

Vršilac dužnosti visokog predstavnika Raffi Gregorian sastao se s direktorom EUROPOL-a Max-Peterom Ratzelom



Vršilac dužnosti visokog predstavnika, Raffi Gregorian, danas se sastao s direktorom EUROPOL-a, Max-Peterom Ratzelom. Vršilac dužnosti visokog predstavnika je pozdravio jučerašnje potpisivanje Memoranduma o razumijevanju o uvođenju sigurnosne komunikacijske veze (*secure link*) između BiH i EUROPOL-a.

Tokom sastanka je naglašeno da se policijskim organima BiH, na svim nivoima, mora omogućiti da obavljaju svoj posao bez miješanja političkih struktura u njihov rad. Organi vlasti BiH takođe moraju poduzeti organizirane napore na poboljšanju procesa razmjene podataka između policijskih tijela na svim nivoima, uspostaviti državno tijelo za borbu protiv korupcije i osigurati adekvatnu zaštitu podataka. Ova pitanja imaju suštinski značaj za postizanje bolje saradnje organa vlasti BiH s EUROPOL-om i osnovni su elementi procesa liberalizacije viznog režima za građane BiH.

Nakon sastanka, vršilac dužnosti visokog predstavnika, Raffi Gregorian je izjavio: »Sigurnosna komunikacijska veza i zaštita podataka su od osnovnog značaja za operacionalizaciju sporazuma o saradnji između EUROPOL-a i BiH, ali to je samo

jedan dio ovog procesa. Sada je pravi izazov u načinu na koji će se informacije dostavljati policijskim tijelima u BiH i kako će policijska tijela svoje informacije razmjenjivati s EUROPOL-om. Iz tog razloga, mreža za razmjenu podataka između policijskih tijela ima veliki značaj za borbu protiv organiziranog kriminala u ovoj zemlji».